

Nunatta Karsiata 2024-mut naatsorsuutaasa akuersissutigineqarnissaannik siunnersuut
(Aningaasaqarnermut Akileraartarnermullu Naalakkersuisoq)**Saqqummiussissut**

(Aningaasaqarnermut Akileraartarnermullu Naalakkersuisoq)

Siullermeerinninneq

Matumuuna Naalakkersuisut sinnerlugit ukiumut aningaasaqarnermut inatsiseqarfiusumut 2024-mut Nunatta Karsiata Naatsorsuutai saqqummiuppakka.

2024-mut naatsorsuutit Namminersorlutik Oqartussat kukkunersiuisunit avataaneersunit nangaanartortaqaanngitsumik oqaaseqarfigineqarput. Ukiut siulii assigalugit immikkoortuni arlalialunni allaffissorneq suli nukittorsarneqarsinnaasoq kukkunersiuisup erseqqissaatigaa, tamannalu Naalakkersuisut soorunami isumaqatigaat. Pitsaanerulaartumik iliuuseqarfigineqarsinnaasunik peqartuaannarpoq.

Nunatta Karsiata Naatsorsuutai 2024-mi ingerlatsinermi, sanaartornermi taarsigassarsinermilu; IST-mik taaneqartartumi 125 mio. kr.-nik ilassutitut aningaasaliissutit ilanngullugit 250 mio. kr.-nik amigartooruteqarfiupput. Tassa amigartoorutit katillugit 125 mio. kr.-nik nikingassuteqarput.

Ingerlatsinermi sanaartornermilu angusat, IS-imi angusanik taaneqartartut, kisiisa naatsorsoraanni naatsorsuutit 257 mio. kr.-nik amigartooruteqarfiupput, ilassutitut aningasaliissutit ilanngullugit 132 mio. kr.-nik amigartooruteqarnissaq missingersuutigineqarsimasoq. Tamatumanissaaq amigartoorutit katillugit 125 mio. kr.-nik nikingassuteqarput.

Inerneq taamaasilluni september 2024-mi missingersuutitut ilisimatitsissummi, Naalakkersuisuunikut november 2024-mi Inatsisartunut nassiussaani, naatsorsuummut assinguvoq.

Angusat takutippaat Nunatta Karsiata isertitai aningaasanut inatsimmi, tamatumalu kingorna ilassutitut aningaasaliissutini naatsorsuutigisanut sanilliullugu 82 mio. kr.-nik ikinnerusut. Nikingassummut pingaartumik pissutaavoq ingerlatseqatigiiffinnit Namminersorlutik Oqartussanit pigineqartunit iluanaarutit Aningaasanut inatsimmi naatsorsuutigineqartunit ikinnerit pissarsiarineqarsimanerat. Tamatuma peqatigisaanik ingerlatsinermut aningaasaliissutitut aningaasartuutit aningaasaliissutinit katillugit 36 mio. kr.-nik amerlanerupput, tamannalu pingaartumik peqqissutsimut suliaasaqarfimmut attuumassuteqarpoq, tamatamani napparsimasut nunani allani katsorsartinneqarnerannut

aningaasartuutit amerlanerusimallutik aammalu Dronning Ingridip Napparsimmavissuanut, peqqissaanermi sulisunik sulisussarsiortarnermi attassiinnarniarnermilu ajornartorsiut eqqarsaatigalugu sulī unammilligassaqartumut, aningaasartuutit amerlanerusimallutik.

Nunatta Karsiata 2024-mut Naatsorsuutaasa akuersissutigineqarnissaannut siunnersuutip Kukkuḿersiuinermut Ataatsimiititaliamut suliarineqartussanngorlugu innersuunneqarnissaa siunnersuutigineqarpoq.

Kukkuḿersiuinermut Ataatsimiititaliaq Inatsisartut assigalugit naatsorsuutit saniatigut kukkuḿersiuinermut nalunaarummik kukkuḿersiuḿisut avataaneersut suliaannik tigusaqarpoq. Naalakkersuisut ukiut siulii assigalugit, ataatsimiititaliap nalunaarummi kaammattuutit oqaaseqaatigineqartullu pillugit apeqqutigisinnaasai allakkatigut akissavaat, taamaalilluni taakku ataatsimiititaliap isumaliutissiissutissaanut ilanngunneqarsinnaaqqullugit.

Naalakkersuisut Nunatta Karsiata 2024-mut Naatsorsuutai pillugit Kukkuḿersiuinermut Ataatsimiititaliamik oqaloqateqarnissartik qilanaaraat, ataatsimiititaliarlu sulilluarnissaanik kissaallugu.

Taama oqaaseqarlunga Naalakkersuisut sinnerlugit Nunatta Karsiata 2024-mut Naatsorsuutai Inatsisartunut suliaḿsanngortippakka.